

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

Օ Ր Ե Ն Ք Ը

Ընդունված է 2022 թվականի սեպտեմբերի 14-ին

ՊԵՏԱԿԱՆ ԳՈՒՅՔԻ ՄԱՍՆԱՎՈՐԵՑՄԱՆ 2017-2020 ԹՎԱԿԱՆՆԵՐԻ ԾՐԱԳՐԻ ԿԱՏԱՐՄԱՆ 2021 ԹՎԱԿԱՆԻ ՏԱՐԵԿԱՆ ՀԱՇՎԵՏՎՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Հաստատել պետական գույքի մասնավորեցման 2017-2020 թվականների ծրագրի կատարման 2021 թվականի տարեկան հաշվետվությունը (կցվում է):

Հանրապետության նախագահ

Վ. Խաչատուրյան

2022 թ. հոկտեմբերի 3
Երևան
ՀՕ-348-Ն

ՊԵՏԱԿԱՆ ԳՈՒՅՔԻ ՄԱՍՆԱՎՈՐԵՑՄԱՆ 2017-2020 ԹՎԱԿԱՆՆԵՐԻ ԾՐԱԳՐԻ ԿԱՏԱՐՄԱՆ 2021 ԹՎԱԿԱՆԻ ՏԱՐԵԿԱՆ ՀԱՇՎԵՏՎՈՒԹՅՈՒՆԸ

1. ԸՆԴՀԱՆՈՒՐ ԴՐՈՒՅԹՆԵՐ

1. Պետական գույքի մասնավորեցման ծրագրի կատարման մասին սույն հաշվետվությունը (այսուհետ՝ Հաշվետվություն) ներկայացվում է «Պետական գույքի մասնավորեցման (սեփականաշնորհման) մասին» օրենքի 12-րդ հոդվածի 1-ին մասի «բ» կետի համաձայն:

2. Հաշվետվությունն ընդգրկում է 2021 թվականի օրացուցային տարին (այսուհետ՝ հաշվետու ժամանակահատված):

3. Հաշվետու ժամանակահատվածում գործողության մեջ է եղել «Պետական գույքի մասնավորեցման 2017-2020 թվականների ծրագրի մասին» օրենքը (այսուհետ՝ Ծրագիր): «Պետական գույքի մասնավորեցման (սեփականաշնորհման) մասին» օրենքի 4-րդ հոդվածի 2-րդ մասի համաձայն՝ «նախորդ ծրագրերի ցանկերում ընդգրկված, սակայն չմասնավորեցված ընկերությունները (ձեռնարկությունները) և «փոքր» օբյեկտները նոր ծրագրի մասն են վերջինիս ուժի մեջ մտնելու պահից»:

4. Հաշվետու ժամանակահատվածում Կառավարության իրականացրած միջոցառումներն ուղղված են եղել Ծրագրով սահմանված նպատակների իրագործմանը:

5. Ներկայում Հայաստանի Հանրապետության համախառն ներքին արդյունքի հիմնական մասն ստեղծվում է մասնավոր հատվածի գործունեության հաշվին: Հաշվետու ժամանակահատվածում մասնավորեցման արդյունքում մասնավոր հատվածի ընկերությունների թիվն ավելացել է ևս 3 ընկերությունով: Մասնավորեցված ընկերությունները նպաստելու են իրենց գործունեության ոլորտում մրցակցության միջավայրի բարելավմանը, արդյունավետության բարձրացմանը և համախառն ներքին արդյունքի աճին:

6. Հաշվետու ժամանակահատվածում պետական գույքի մասնավորեցումից (այդ թվում՝ նախորդ տարիներին մասնավորեցված օբյեկտներից տարածամկետ վճարման ենթակա մուտքերից) և լուծարումից ստացված միջոցների հաշվին ապահովվել է պետական բյուջեի և համախառն ներքին արդյունքի աճ:

7. Հաշվետու ժամանակահատվածում վարչապետի 2021 թվականի մարտի 12-ի N 240-Ա որոշման համաձայն՝ Կառավարությունն ընդունել է 6 ընկերությունների բաժնետոմսերի, բաժնեմասի մասնավորեցնելու մասին որոշումներ, որոնցից մասնավորեցվել են՝ դասական աճուրդով 2 փակ բաժնետիրական ընկերությունների բաժնետոմսերը և ուղղակի վաճառքի ձևով 1 սահմանափակ պատասխանատվությամբ ընկերության բաժնեմասը:

8. Հաշվետու ժամանակահատվածում ծրագրում կատարվել է հետևյալ լրացումը.

««Պետական գույքի մասնավորեցման 2017-2020 թվականների ծրագրի մասին» օրենքում լրացում կատարելու մասին» 2021 թվականի հունվարի 20-ի ՀՕ-30-Ն օրենքով ծրագրի 1-ին հավելվածով հաստատված՝ Հայաստանի Հանրապետության արտակարգ իրավիճակների նախարարության ընկերությունների ցանկը լրացվել է «Հատուկ լեռնափրկարար ծառայություն» փակ բաժնետիրական ընկերությունով (ծածկագիր՝ 90124):

9. Հաշվետու ժամանակահատվածում մասնավորեցումից ստացված միջոցները կազմել են 407,547.38 հազար հայկական դրամ, որից՝ ընկերությունների մասնավորեցումից ստացված միջոցները՝ 395,774.49 հազար հայկական դրամ (այդ թվում՝ նախորդ տարիներին մասնավորեցված ընկերություններից տարածամկետ վճարումներից ստացված միջոցները՝ 29,781.50), նախորդ տարիներին մասնավորեցված «փոքր» օբյեկտներից հաշվետու ժամանակահատվածում տարածամկետ վճարման ենթակա վճարումներից ստացված միջոցները՝ 11,772.89 հազար հայկական դրամ:

10. Հաշվետու ժամանակահատվածում Հայաստանի Հանրապետության պետական բյուջե սեփականաշնորհման հաշվին մուտքագրվել է 294,565.85 հազար հայկական դրամ:

11. Համաձայն «Պետական գույքի մասնավորեցման (սեփականաշնորհման) մասին», ««Տեղական ինքնակառավարման մասին» Հայաստանի Հանրապետության օրենքում փոփոխություն կատարելու մասին» 2004 թվականի դեկտեմբերի 13-ի ՀՕ-127-Ն և ««Հայաստանի Հանրապետության բյուջետային համակարգի մասին» Հայաստանի Հանրապետության օրենքում լրացում և փոփոխություն կատարելու մասին» 2004 թվականի դեկտեմբերի 13-ի ՀՕ-126-Ն օրենքների՝ 2021 թվականի ընթացքում մասնավորեցումից ստացված միջոցներից համայնքների բյուջեներ փոխանցվել է 112,981.53 հազար հայկական դրամ:

12. Կառավարության որոշումներով սահմանված կարգով յուրաքանչյուր մասնավորեցվող ընկերության վերաբերյալ զանգվածային լրատվության միջոցներով, ինչպես նաև Պետական գույքի կառավարման կոմիտեի պաշտոնական կայքում հրապարակվել է համապատասխան տեղեկատվություն:

2. ԾՐԱԳՐԻ ԻՐԱԳՈՐԾՈՒՄԸ

ԸՆԿԵՐՈՒԹՅՈՒՆՆԵՐԻ ՄԱՍՆԱՎՈՐԵՑՈՒՄԸ, ՍՏԱՆՁՆԱԾ ՊԱՐՏԱՎՈՐՈՒԹՅՈՒՆՆԵՐԻ ԻՐԱԿԱՆԱՑՈՒՄԸ ԵՎ ԼՈՒԾԱՐՈՒՄԸ

13. Հաշվետու ժամանակահատվածում աճուրդով մասնավորեցվել են ծրագրում ընդգրկված 2 ընկերության պետական սեփականություն հանդիսացող բաժնետոմսերը, որոնց մասին տեղեկությունները ներկայացված են 1-ին հավելվածում:

14. Հաշվետու ժամանակահատվածում ուղղակի վաճառքի ձևով մասնավորեցվել են ծրագրում ընդգրկված 1 ընկերության պետական սեփականություն հանդիսացող բաժնետոմսերը, որի մասին տեղեկությունը ներկայացված է 2-րդ հավելվածում:

15. Մասնավորեցման գործարքների արդյունքում ստանձնած պարտավորությունների կատարողականը հետևյալն է.

1) պետական գույքի մասնավորեցման պայմանագրերով 2021 թվականի ընթացքում ներդրումային, սոցիալական երաշխիքների ապահովման և պրոֆիլի պահպանման պարտավորություններ ստանձնել է 5 գնորդ.

2) 1 գնորդ պայմանագրով ստանձնել է ներդրումային, սոցիալական երաշխիքների ապահովման ու պրոֆիլի պահպանման, իսկ 4 գնորդ՝ միայն պրոֆիլի պահպանման պարտավորություններ.

3) 3 գնորդի ստանձնած՝ պրոֆիլի պահպանման պարտավորությունները կատարվել են.

4) մասնավորեցման պայմանագրերով 2021 թվականի ընթացքում 1 գնորդի նախատեսած՝ պրոֆիլի պահպանման պարտավորությունները չեն կատարվել, իսկ 1 գնորդի ստանձնած ներդրումային, սոցիալական երաշխիքների ապահովման ու պրոֆիլի պահպանման պարտավորությունների կատարման հետ կապված՝ ընկերության կողմից ներկայացվել է անկախ գնահատողի գնահատման՝ կատարված ներդրումների ծավալը որոշելու նպատակով.

5) մասնավորեցված օբյեկտների գնորդների կողմից հաշվետու ժամանակահատվածում կատարման ենթակա ներդրումային, սոցիալական երաշխիքների և պրոֆիլի պահպանման պարտավորությունների կատարման մասին տեղեկությունները, ըստ առանձին ընկերությունների և օբյեկտների, ներկայացված են 3-րդ հավելվածում:

16. Ընկերությունների լուծարման գործընթացը հետևյալն է.

1) Ծրագրի 10-րդ հոդվածի 1-ին մասի համաձայն՝ Ծրագրում ընդգրկված ընկերությունները կարող են լուծարվել օրենսդրությամբ սահմանված դեպքերում.

2) «Պետական գույքի մասնավորեցման (սեփականաշնորհման) մասին» օրենքով սահմանված կարգով ընկերությունները չմասնավորեցվելու դեպքում Կառավարությունը կարող է որոշում ընդունել այդ ընկերությունների լուծարման մասին.

3) հաշվետու ժամանակահատվածում լուծարման գործընթացում է եղել Ծրագրում ընդգրկված 2 առևտրային կազմակերպություն.

4) հաշվետու ժամանակահատվածում նշված կազմակերպություններից 2 կազմակերպության լուծարման գործընթացն ավարտվել է.

5) հաշվետու ժամանակահատվածում նշված լուծարվող կազմակերպություններում մարվել է 4,152.00 հազար հայկական դրամ կրեդիտորական պարտք, որից՝ Հայաստանի Հանրապետության պետական բյուջե՝ 1,011.00 հազար հայկական դրամ, համայնքային բյուջե՝ 60.00 հազար հայկական դրամ, աշխատավարձի գծով՝ 2,586.00 հազար հայկական դրամ և այլ կրեդիտորական պարտքի գծով՝ 495.00 հազար հայկական դրամ.

6) լուծարումից հետո Հայաստանի Հանրապետության պետական բյուջե է փոխանցվել 39,456.00 հազար հայկական դրամ.

7) ընկերությունների՝ հաշվետու ժամանակահատվածում լուծարման գործընթացի մասին տեղեկությունները ներկայացված են 4-րդ հավելվածում:

3. «ՓՈՔՐ» ՕԲՅԵԿՏՆԵՐԻ ՄԱՍՆԱՎՈՐԵՑՈՒՄԸ

17. Հաշվետու ժամանակահատվածում «փոքր» օբյեկտ չի մասնավորեցվել:

ՏԵՂԵԿՈՒԹՅՈՒՆՆԵՐ

ՀԱՇՎԵՏՈՒ ԺԱՍՆԱԿԱՀԱՏՎԱԾՈՒՄ ԱՃՈՒՐՈՎ ՄԱՍՆԱՎՈՐԵՑՎԱԾ ԸՆԿԵՐՈՒԹՅՈՒՆՆԵՐԻ ՄԱՍԻՆ

Հ/Հ	Պետական գույքի անվանումը (ծածկագիրը՝ ըստ Ծրագրի)	Գտնվելու վայրը	Պետական կառավարման մարմնի անվանումը	Կառավարության որոշման համարը, ամսաթիվը	Աճուրդի անցկացման ձևը	Մեկնարկային գինը (հազար հայկական դրամ)	Աճուրդի հաղթողի առաջարկած գինը (հազար հայկական դրամ)	Ընկերության հաշվեկշռում ամրագրված պարտավորությունները (հազար հայկական դրամ)	Պայմանագրի կնքման ամսաթիվը և համարը
1	2	3	4	5	6	7	8	9	10
1.	«Ընդերքաբանի Աղբյուրակի տեղամաս» ՓԲԸ-ի 100% պետական սեփականություն հանդիսացող բաժնետոմսեր (ծածկագիր՝ 62130)	ՀՀ Կոտայքի մարզ, ք. Հրազդան, Վերին Աղբյուրակ, թաղամաս 1	Պետական գույքի կառավարման կոմիտե	Կառավարության 2021 թվականի մարտի 4-ի N 307-Ա որոշում	դասակա ն	63,676.40 (երկու անգամ աճուրդի դնելուց հետո երրորդ անգամ աճուրդի է դրվել մեկնարկային գնի 50%-ը՝ 31,838.2)	62,084 .49	2,712.40	27.05.2021 թ. 245-Ա
2.	«Ընդերքաբանի Արեգի տեղամաս» ՓԲԸ-ի 100% պետական սեփականություն հանդիսացող բաժնետոմսեր	ՀՀ Տավուշի մարզ, համայնք Դիլիջան, գ. Հովք, 4-րդ փ., թիվ 2/3	Պետական գույքի կառավարման կոմիտե	Կառավարության 2021 թվականի փետրվարի 25-ի N 255-Ա որոշում	դասակա ն	24,060.10 (երկու անգամ աճուրդի դնելուց հետո երրորդ անգամ աճուրդի է դրվել մեկնարկային	12,030 .10	2,332.50	31.05.2021 թ. 244-Ա

	(ծածկագիր՝ 62130)					գնի 50%-ը՝ 12,030.10)			
--	----------------------	--	--	--	--	--------------------------	--	--	--

ՏԵՐԵԿՈՒԹՅՈՒՆՆԵՐ

ՀԱՇՎԵՏՈՒ ԺԱՄԱՆԱԿԱՀԱՏՎԱԾՈՒՄ ՈՒՂԱԿԻ ՎԱՃԱՌՔԻ ԶԵՎՈՎ ՄԱՍՆԱՎՈՐԵՑՎԱԾ ԸՆԿԵՐՈՒԹՅԱՆ ՄԱՍԻՆ

Հ / Հ	Ընկերության (պետական գույքի) անվանումը (ծածկագիրը՝ ըստ Ծրագրի)	Գտնվելու վայրը	Պետական կառավարման մարմինը	Կառավարության որոշման համարը , ամսաթիվը	Պետական գույքի գնահատված արժեքը (հազար հայկական դրամ)	Վաճառքի գինը (հազար հայկական դրամ)	Ընկերության հաշվեկշիռում ամրագրված պարտավորությունները (հազար հայկական դրամ)	Ներդրումային պարտավորությունների և սոցիալական երաշխիքների մասին՝ ըստ մասնավորեցման պայմանագրի	Գնորդը
1	2	3	4	5	6	7	8	9	10
1.	«Արաբկիր» բժշկական համալիր - երեխաների և դեռահասների առողջության ինստիտուտ»	ք. Երևան, Մամիկոնյանց 30	Պետական գույքի կառավարման կոմիտե	Կառավարության 2021 թվականի փետրվարի 4-ի N 125-Ա որոշում	574,356.9 (երկու անգամ աճուրդի ղնելուց հետո 50%-ը մասնավորեցվել է ուղղակի վաճառքով)	287,178.4	420,837.0	չկան	«Արաբկիր» բժշկական համալիր - երեխաների և դեռահասների առողջության ինստիտուտ»

ՍՊԸ-ի 5,6 % բաժնեմ ասը (ծածկագ իր՝ 90116)								ՍՊԸ:
---	--	--	--	--	--	--	--	------

ՏԵՂԵԿՈՒԹՅՈՒՆՆԵՐ

**ՄԱՍՆԱՎՈՐԵՑՎԱԾ ՕԲՅԵԿՏՆԵՐԻ ԳՆՈՐԴՆԵՐԻ ԿՈՂՄԻՑ ՀԱՇՎԵՏՈՒ
ԺԱՄԱՆԱԿԱՀԱՏՎԱԾՈՒՄ ԿԱՏԱՐՄԱՆ ԵՆԹԱԿԱ ՆԵՐԴՐՈՒՄԱՅԻՆ, ՍՈՑԻԱԼԱԿԱՆ
ԵՐԱՇԽԻՔՆԵՐԻ ԵՎ ՊՐՈՖԻԼԻ ՊԱՀՊԱՆՄԱՆ ՊԱՐՏԱՎՈՐՈՒԹՅՈՒՆՆԵՐԻ ԿԱՏԱՐՄԱՆ
ՄԱՍԻՆ**

h/ h	Մասնավորեցված գույքի և գնորդի անվանումը	Նախատեսված պայմանագրային պարտավորությունները	Կատարման ժամկետը	Կատարման ընթացքը
1.	Հրազդանի կինոցանցի «Հրազդան» կինոթատրոնի գույք ՀՀ Կոտայքի մարզ, ք. Հրազդան, փ. Սպանդարյան Գևորգ` Բագրատ Առաքելյան Պայմանագիր` 225-Մ 20.01.2005 թ.	Պրոֆիլի պահպանում	20.01.2021 թ.	Պահպանվել է:
2.	«Լեռնամետալուրգիայի ինստիտուտ» ՓԲԸ-ի բաժնետոմսեր, ք. Երևան, Խանջյան 19 Գևորգ` «Լեռնամետալուրգիայի ինստիտուտ» ՓԲԸ-ի աշխատավորական կոլեկտիվ` 40%, «Արմենիան Զափըր Փրոգրամ» ՓԲԸ` 30%, «Մաքուր երկաթի գործարան» ՓԲԸ` 30% Պայմանագիր` 435-ՈԼ 22.10.2002 թ.	Պրոֆիլի պահպանում	22.10.2021 թ.	Պահպանվել է:
3.	Հրազդանի կինոցանցի գույքի կազմից առանձնացված «Բարեկամություն» կինոթատրոնի գույք Գևորգ` Արտավազդ Ղազարյան Պայմանագիր` 226-Մ 24.01.2005 թ.	Պրոֆիլի պահպանում	24.01.2021 թ.	Չի պահպանվել, քանի որ կինոթատրոնի շենքի դահլիճում հրդեհ է բռնկվել: Կատարվում են վերանորոգման աշխատանքներ:
4.	«Միջուկային և ռադիացիոն անվտանգության գիտատեխնիկական կենտրոն» ՓԲԸ-ի 90% պետական սեփականություն	Պրոֆիլի պահպանում	10.08.2021 թ.	Պահպանվել է:

	<p>հանդիսացող բաժնետոմսեր Գևորգի «Միջուկային և ռադիացիոն անվտանգության գիտատեխնիկական կենտրոն» ՓԲԸ-ի աշխատավորական կոլեկտիվի Պայմանագիր՝ 880-Ու 10.08.2020 թ.</p>			
5.	<p>«Նեյտրոն ԳԱՄ» ՓԲԸ-ի 100% բաժնետոմսեր ք. Երևան, Բագրատունյաց 73 և «Բագավան» ՓԲԸ-ի 100% բաժնետոմսեր ք. Աշտարակ, Բագավան 2 Գևորգի «Մոսթոն Էնջինիրինգ ԼՏԴ» ընկերություն Օլիաջի առևտրի կենտրոն, Ֆրենսիս Ռեյչլի 1312 Կիկտորիա, Մաիե, Սեյջեյան կղզիներ Տևորեն Դավիթ Գալստյան Պայմանագիր՝ 865-Ու 12.04.2011 թ.</p>	<p>Կատարել 3.4 մլրդ հայկական դրամի չափով ներդրում, ապահովել 180 նոր աշխատատեղ՝ ամսական միջին աշխատավարձը դարձնելով 80,000 հայկական դրամ, պահպանել ընկերության գործունեության պրոֆիլը</p>	14.10.2021 թ.	<p>Կատարված ներդրումների ծավալը որոշելու նպատակով ընկերության կողմից ներկայացվել է անկախ գնահատողի գնահատման:</p>

Հավելված 4
 «Պետական գույքի մասնավորեցման 2017-2020 թվականների ծրագրի կատարման 2021 թվականի տարեկան հաշվետվությունը հաստատելու մասին» օրենքի

ՏԵՂԵԿՈՒԹՅՈՒՆՆԵՐ

ՀԱՇՎԵՏՈՒ ԺԱՄԱՆԱԿԱՀԱՏՎԱԾՈՒՄ ԼՈՒԾԱՐՄԱՆ ԳՈՐԾԸՆԹԱՑԻ ՄԱՍԻՆ

Հ/Հ	Ծածկագիրը՝ ըստ Ծրագրի	Ընկերության անվանումը	Հիմնադիրը	Լուծարման մասին Հայաստանի Հանրապետության կառավարության որոշման համարը, ամսաթիվը	Լուծարման ընթացքը
1	2	3	4	5	6
	90100	«Ագրոսպասարկում» ՓԲԸ	Պետական գույքի կառավարման կոմիտե	Կառավարության 2018 թվականի նոյեմբերի 8-ի N 1268-Ա որոշում	Լուծարված:
	90113	«Երևանի երկաթուղու պոլիկլինիկա» ՓԲԸ	Պետական գույքի կառավարման կոմիտե	Կառավարության 2019 թվականի դեկտեմբերի 26-ի N 1963-Ա որոշում	Լուծարված:

Պաշտոնական հրապարակման օրը՝ 4 հոկտեմբերի 2022 թվական: